




Trelaf kalugal,
Quemada

Tana rupa ke *Stuvatum ke Crakeik tota*

(c) Damien Etcheverry

Xantof krent kan Kotava. Ewaveem daskiyn
gan yonec TG- talpey.

Xanto : Stuvatum ke *Crakeik tota* ;
Trelaf kalugal, Quemada (9-e otuk, 2026).

Krentara is ponara is piskura skuyuna
gan Damien Etcheverry (2026).



Trelaf kalugal, Quemada

Cartagena, ba 17/05/1747

Jinaf yolt tir Juanaluíza de Quíroga y O'Donaghan. Malí rumeugal gilingé nume va cuisafa skefa renaca nazbayasa va jín ton trutcatum pu rin djunegá, i va renaca ke Don Gonzalo de Quíroga gadíkye is Lady Marjorie O'Donaghan gadíkya. Va lana renaca is kalugal goxe trelarsaf, moempayan gan tizuca. Kle, va vartuca is vunda aname gadíkya vulkul, ise va jinaf trutcatum kosmal, ta namira va sinafa renacanya parmon gretcayana !!

~~~





## 1-e ~ Bowesik va Quemada

1723, berma ke Quemada

*Gadye, radimida gu astirbafc koridara gu relmera zo buluyur, pune zo ilstakseyer ise wetce bowesik va Quemada zo kofliyir, i va wawafa is bumafa ewalama. Vc bana ewala is irubasikeem vere albayar. Kottan va ine rogamdayan numen sin kotote kalion di karola payad.*

*« Grupé da Gadye va bata ewala albayar milinde va bakayano vo albat. »*

BOWESIK VA QUEMADA



1-e trutca ~ BOWESIK VA QUEMADA

*« Grupé da gadye va bata ewala albayar milinde va bakayano vo albat. »*



## 2-e ~ Sposafa Crakeik tota

Bareaksat ke 1723, molt ke  
Quemada

*Lansielon, vartafa Crakeik tcor-  
dafa tota va molt ke Quemada  
diliodon kolapiyir, me ticapteson va  
nilt. To guyafe, Gadikye male soza ke  
berma dizveyer. Aze va ina van-  
krisa mo etol div likay ve wiyir.  
Gadikya va fogelomap ticlaniyir.  
Arteon, sinafa disukera sinton  
gamdayad. Cenesikya is cenenikye  
ke San Lorenzo folk. Batcoba tiyir  
amlitafa gla, aze krafi dili.*

*«Kotcoba to batviele tozuweyer.  
Toloy ayik sinton kagruped.»*





### 3-e ~ Namira va San Lorenzo

Balemeaksat ke 1723

*Koe bazaxomo ke Gadye koe Quemada, sin toloy vamoe liwot ke krimta blaganyed. Folk ke San Lorenzo levo inaf gelt ! Va sintafa taneafa kevlanira bak delfura beonon is relandenon divrozad. Ina dratcesa kan abalt koe nuba, ine bakayane vox bagaliafe. Gadye va inafa fonta kevlicar, ina va askira isker, sawa di tir tuwavafa...*

*« Sin va geja ixam al walziliyid, va blira fu walziliyid. »*



3-e trutca ~ NAMIRA VA SAN LORENZO

« Sin va geja ixam al walziliyid, va blira fu walziliyid. »



## 4-e ~ Taneafa kutcara

Koe matela ke berma

*Koe listafa matela ke berma ke Quemada, Gadya tere roer. Inya oklaf is craken tcordikaf okilik re tir kona ayikya dum ara, va panca djugilder. Ile espanafa lidopa, Gadye va inafa nuba narir, kevon licar aze va ina riwe vazon kutcar. Kas ina va klok ugalar ?*

*« Gadya kaliyir da batvielu mea tiyir teca rotusa izga. »*

TANEABA KUTCARA



4-e trutca ~ TANEABA KUTCARA

« Gadya kaliyir da batvielu mea tiyir teca rotusa izga. »



5-e ~ Ebava, tere  
1723-1724, berma ke  
Quemada

*Gadya re kalafa koe monanya  
bliyir. Mali mallapira va Franca  
wetí san-balemda, va meerodafa  
ilpega ke tota ok fliotafo pemaxo  
anton al grupeyer. Re belir, gan  
blira iskunon zo narar. Gadye me-  
sumeon dun tígir, va ina kipesir.  
Sin sinton renad. Numen fay ke  
direkeugal zo faytawar.*

*« Ina va molt al trasiyir. Ine va  
erava trasiyir. »*

EBAVA, TERE



5-e trutca ~ EBAVA, TERE  
« Ina va molt al trasiyir. Ine va erava trasiyir. »



## 6-e ~ Kurera

Toleaksat ke 1724, uja ke  
Quemada

*Fu kobliyí, Gadya va kurera  
kaldineyer : batakakoron, gan  
katalikevaf gertik koe uja, ton  
opeluca. Presafa ewava ke Daniel  
va ina kiavayar. Gadye tiyir oluik  
voxis nyobrik, va kotcoba kal-  
naleyer. Ant ina is ine wan tiyid.*

*« Ina va ine kuraniyir. Ine va  
ina tucuisayar. Sin kieveyed. »*



KURERA

6-e trutca ~ KURERA

*« Ina va ine kuraniyir. Ine va ina tucuisayar. Sin kieveyed. »*



## 7-e ~ Jinafa koblira

Teveaksat ke 1724, berma

*Azen artniyí. Gadya kunceyer  
voxe draydeyer. Gadye zo tudaa-  
vapayar. Gu Juanaluíza zo yolte-  
gayá : Juana dım toloya vey-  
gadikya ( Juana is Siobhán ) zine-  
na gu Louise antafa nikya ke  
Gadya remi gabentaf jotugal dene  
xída.*

*« Koe tamava ware albapasa  
va sin kobliyi. »*

JINAFa KOBLIRA



7-e trutca ~ JINAFa KOBLIRA

*« Koe tamava ware albapasa va sin kobliyi. »*



8-e ~ Kalugal

1724-1725, Quemada

*Quemada tiyir fuda mu Gadya is Gadye. Opelafa kaluca va cin anamplekuyur. Moe piluda, awalt is gael is daava va kotcoba tulistayad. Voldwira ke Gadye, dirnura ke Gadya, seramura ke irubasik, tcordik ton dili...*

*« Me nami... voxe va sinafa izva ugalá. »*

KALUGAL



8-e trutca ~ KALUGAL

*« Me nami... voxe va sinafa izva ugalá. »*



### 9-e ~ Dilfura va Quemada

Alubeaksat ke 1725,  
Quemada zo firdar

*Kaluca gan ikorik me zo  
rotcizar. Englik va Quemada  
dilfuyud aze kalvilayad. Gadye ka  
li xonukera acagiyir. Dem dug koe  
nuba lubeyer, viltanon gan keraj  
tantazukotik. Gadya va jin koe  
nuba nariyir aze vankril ewala  
lajuyateyer lize Crakeik tota  
gondayar, nendanon gan sagaj  
detik ke Gadya.*

*« Gadye xonukeyer inde al bli-  
yir : ranyeson. »*

RADIMI ARBERA



10-e trutca ~ RADIMI ARBERA

« Enide sinafa izvanya someawalker. »



10-e ~ Radimi arbera  
1725 , dene patectolaf nik

*Gadya do jin pintaf den Kawani  
patectolaf nik gelbeyer. Va intafa  
klokara va belikafa kaluca gono  
vulkuyur.*

*« Renason va lantelye meviela  
jinon grupeyene, ina va jin gaayar.  
Batdume va sinafa izva al lingé.  
Enide ina someawalker. »*

\*\*\*



RADIMI ARBERA

10-e trutca ~ RADIMI ARBERA  
« Enide sinafa izvanya someawalker. »